

Lesley Griffiths

Y Gweinidog Materion Gwledig a Gogledd Cymru, a'r Trefnydd

Vaughan Gething

Gweinidog yr Economi

8 Chwefror 2023

Annwyl Lesley a Vaughan,

Bil Cyfraith yr UE a Ddargedwir (Dirymu a Diwygio)

Ar 25 Ionawr, bu'r Pwyllgor yn trafod Bil Cyfraith yr UE a Ddargedwir (Dirymu a Diwygio) a'i gynigion cydsyniad deddfwriaethol cysylltiedig. Mae Aelodau'n bryderus iawn am effaith bosibl y Bil ar Gymru yn y meysydd sy'n dod o dan ein cylch gwaith. Yn hynny o beth, penderfynwyd ysgrifennu atoch i gael rhagor o wybodaeth am asesiad Llywodraeth Cymru o effaith y Bil ar y sectorau hyn: economi Cymru, masnach, sgiliau, amaethyddiaeth, pysgodfeydd, y sector bwyd a diod a safonau lles anifeiliaid. Byddem hefyd yn ddiolchgar iawn pe gallech gadarnhau pa waith sy'n cael ei wneud i baratoi ar gyfer y Bil.

Felly, a fyddechystal â darparu'r canlynol i'r Pwyllgor:

- Eich barn ar effaith y Bil ar y sectorau uchod ac unrhyw feysydd eraill y credwch y gallai fod o ddiddordeb i'r Pwyllgor;
- Rhestr o Gyfraith yr UE a Ddargedwir (REUL) berthnasol a wnaed gan Weinidogion Cymru o fewn eich cylchoedd gwaith;
- Eich cynlluniau i ddefnyddio pwerau'r Bil mewn perthynas â safonau o fewn cylch gwaith y Pwyllgor hwn, fel lles anifeiliaid;
- Gwybodaeth am ba drafodaethau yr ydych wedi'u cael gyda llywodraethau eraill yn y DU ynghylch effaith y Bil ar faterion o fewn cylch gwaith y Pwyllgor, a ph'un ai/sut y gellid cydgysylltu unrhyw newidiadau i REUL perthnasol, os caiff y Bil ei basio;

- Manylion am unrhyw effaith ar gynlluniau deddfwriaethol Llywodraeth Cymru pan fo'n berthnasol i gylch gwaith y Pwyllgor;
- Eich barn ar sut y gallai'r Bil ryngweithio â chytundebau masnach ryngwladol ar ôl Brexit;
- Eich barn ar effaith bosibl y Bil ar fasnach o fewn y DU, gan gynnwys sut y caiff ei weithredu ochr yn ochr â Deddf y Farchnad Fewnol 2020; a
- Eich barn ar sut y gallai'r Bil ryngweithio â fframweithiau cyffredin o fewn cylch gwaith y Pwyllgor hwn.

Cynhaliodd y Pwyllgor Deddfwriaeth, Cyfiawnder a'r Cyfansoddiad [alwad am dystiolaeth](#) ar ôl i'r Bil gael ei gyflwyno. Trafododd yr Aelodau'r dystiolaeth a ddarparwyd i'r ymgynghoriad hwn a oedd yn berthnasol i'n cylch gwaith. Yn ogystal â darparu'r manylion y gofynnir amdanynt uchod, a wnewch chi ymateb i'r pwyntiau a amlinellir isod sydd wedi'u nodi gan randdeiliaid yn eu cyflwyniadau i ymgynghoriad y Cyd-Bwyllgor Ymgynghorol.

Bwyd a diod:

- Diogelwch bwyd – Mae'r Asiantaeth Safonau Bwyd (ASB) yn nodi eu bod yn gyfrifol am dros 150 o ddarnau o REUL ar ddiogelwch bwyd yng Nghymru a Lloegr, ynghyd â 39 o ddarnau ychwanegol yng Nghymru, lle mae ganddi gyfrifoldebau ehangach. Mae'r ASB yn nodi "rydym yn glir na allwn ddirwyn i ben y deddfau ar ddiogelwch a dilysrwydd bwyd heb beri dirywiad yn safonau bwyd y DU a risg sylweddol i iechyd y cyhoedd."
- Ymwahanu – mae'r Ffederasiwn Bwyd a Diod yn datgan bod gan hyn y potensial i ysgogi ymwahanu sylweddol os na chaiff newidiadau eu cysoni ar sail y DU a byddai hyn wedyn yn rhoi beichiau ychwanegol ar fusnesau Cymru, yn enwedig mentrau llai.

Ffermio:

- Safonau ffermio - dywed NFU Cymru y gallai llywodraethau ganfod eu hunain mewn sefyllfa yn brwydro yn erbyn camau brysiog i gau bylchau deddfwriaethol sydd wedi agor. Yn ôl NFU, bydd senarios o'r fath yn niweidiol i hyder a sicrwydd busnes a defnyddwyr. Maent yn rhybuddio bod rhaid gwobrwyo safonau uchel o'r farchnad, neu fel arall bydd cynhyrchwyr o Gymru yn cael eu rhoi dan anfantais gystadleuol. Maent yn annog Llywodraeth Cymru i weithio gyda llywodraethau eraill i eirioli safonau uchel a gwrthsefyll ras i'r gwaelod.

Lles Anifeiliaid:

- Dywed RSPCA fod RUEL yn cynnwys rhai o'r newidiadau mwyaf totemig a phwysig yn lles anifeiliaid ac maent yn poeni y gallai safonau fod mewn perygl. Maent hefyd yn pryderu am newidiadau neu gael gwared ar gyfreithiau a gadwyd yn ôl ar Gymru, fel gwaharddiadau ar ddefnyddio hormonau milfeddygol a gwaharddiadau ar fewnforio anifeiliaid gwyllt a chynhyrchion morloi, a'r defnydd o anifeiliaid mewn ymchwil.

Rwy'n anfon copi o'r llythyr hwn at Huw Irranca-Davies AS, yn rhinwedd ei swydd fel Cadeirydd y Pwyllgor Deddfwriaeth, Cyfiawnder a'r Cyfansoddiad.

Cofion,



Paul Davies AS

Cadeirydd: Pwyllgor yr Economi, Masnach a Materion Gwledig

Croesewir gohebiaeth yn Gymraeg neu Saesneg | We welcome correspondence in Welsh or English.

